



詩經述

四

1440  
4



門仁仁  
籍  
卷  
1440

九



九述

詩經卷七

東都赤松弘著

雜祈父之什二之四

祈父予王之爪牙胡轉予于恤靡所止居

祈勤衣反父音甫。祈圻古字通用圻

父司馬也職掌封圻之兵甲故以為號

予爪牙之士自予也爪鳥獸所用一以

為威者也恤憂也爪牙之士為王禁衛

六軍之士出自六鄉出法不取於王之

禁衛之士今使之遠後軍事故軍士怨



之曰予乃王之爪牙。汝何轉我於憂恤之地。使我無所止居乎。此刺宣王也。宣王三十九年。戰於千畝。王師敗績於姜氏之戎。

祈父。予王之爪牙。胡轉予恤靡。所底止。底之履反。爪士。爪牙之士也。底至也。祈父。宣不聽。胡轉予恤。有母之尸。饗。宣誠尸主也。饗。熟食也。言不得奉養而使母反主。勞苦之事也。古者親老而亡兄弟者。不從征役。焉不聽言。既有成法。今汝獨不聞乎。

祈父三章章四句

君子之過。如日月之食。宣王於不

皎。白駒食我場苗。繫之維之。以永今朝。

所謂伊人。於焉道遠。

皎。古了反。場直良反。繫陔立反。焉於虔

反。皎。潔白也。馬五尺以上為駒。場

圍也。繫。絆其足。維。繫其勒也。永久也。伊

人。指賢者也。道遠。遊息也。此大夫刺宣

王也。言宣王不能用賢。有賢人乘白駒

而去者。我厲其所棄。白駒來食我場中。

之苗。我則繫絆之。維持之。蓋託以言欲  
雷其人。以久今朝。既思而不來。故又曰  
所謂伊人。今於何處。遊息乎。懷望之甚  
也。

皎兮白駒。食我場藿。繫之維之。以永今夕。  
所謂伊人。於焉嘉客。

藿。菽之小者。於焉嘉客。言於何處。而嘉  
善賓客乎。

皎兮白駒。粲然來思。爾公爾侯。逸豫無期。  
慎爾優游。勉爾道思。

粲。彼義反。道徒遜反。粲。飾也。思。語

辭。爾指賢人也。公也。侯也。不敢斥王也。

優游。自得之意。更深。故所雷者。絕望於  
朝。云爾。賢者假令盛飾來止。其君之昏

溺。豈可復極乎。爾之公侯。逸豫無度。爾  
其不可雷。惟當冀慎其所。優游遂成。其

去志哉。不可冀之辭也。

皎。白駒。在彼空谷。生駒一束。其人如玉。  
母金玉。爾音有遐。

駒。楚俱反。母音。生。熟之極也。賢者必

去而不可雷矣。於是歎其棄白駒入空  
谷。束生駒。以伐牀蓐。其窮如此。而其人

通

之德美如玉也。今終不可望矣。然於冀其通問而益絕也。故語之曰。毋貴音之。音信而有遠。我之心也。民之望之如此。一在上不能用。所以見刺也。

白駒四章章六句

君子之過也。如日月之食。過也。人皆瞻之。更也。人皆仰之。君人者在。速改焉耳。

黃鳥。集于穀。每啄我粟。此邦之人。不我肯穀。言旋言歸。復我邦族。  
卓。厥角反。穀。木名。穀善旋回復反也。

亦刺宣王也。諸侯來朝者皆懷離畔之意。不的言諸侯者有所諱忌也。故詩人託力呼其黃鳥而告之。曰。尔每集于穀而啄我之粟。苟此邦之人不以善道相和。則我亦不久於此而將歸矣。  
黃鳥。集于桑。每啄我梁。此邦之人不可分明。言旋言歸。復我諸兄。  
桑。近人之木也。人之所以相依者。以其明足以知其緩急。休戚故也。不可分明。則不可分處矣。  
黃鳥。集于榭。每啄我黍。此邦之人。

不可方也。言旋言歸，復我諸父。

翔况甫反

黃鳥三章章七句

君也者安民者，民之不安，是誰

之過乎

我行其野，蔽芾其樗。昏姻之故，言就尔居。

尔不我畜，復我邦家。

蔽必制反，芾方味反，樗勅書反。樗，惡

木也。昏姻，外親也。畜，養也。言樗惡木，尚

可庇而息。今以昏姻之故，言就尔居而

尔不我畜，則樗之不如也。尔之所为如

此今當復反我之邦家矣。方之自訣之

辞也。亦刺宣王之末，親戚或懷離畔之

意，故託民間之言以訊焉。意，方前篇同

我行其野，言采其蓬。昏姻之故，言就尔宿。

尔不我畜，言歸斯復。

蓬，勅六反。蓬，牛薺，一名羊蹄菜，惡菜

也。

我行其野，言采其菑。不思舊姻，求我新特。

成不以富，亦祗以異。

菑音福，祗音支。菑，菑亦惡菜也。特，匹

也。謂新昏姻也。成當作誠，志之誤也。人

所以得見庇廕者豈以富貴哉亦適以異德哉

我行其野三章章六句

秩々斯于幽々南山如竹苞矣如松茂矣兄及弟矣式相好矣言相狎矣

秩々流行也斯比也干水涯也幽々深

與也南山終南之山也苞叢生而一固也

狎謀也宣王築室既成而燕飲以落之

因歎其事言此室臨水面而面山其下

之固如竹之苞其上之密如松之茂又

言居是室者兄弟相好而無相謀則頌

禱之辭也室家之不睦多起乎兄弟故

首言之尔

似續妣祖築室百堵西南其户爰居爰處

爰笑爰語

似嗣也妣祖謂大妣文王也妣先於祖

者協下韻尔西南其户天子之宮其室

非一在東者西其户在北者南其户也

爰於也宣王築宮室於是居處於是笑

語焉

約之閣々採之橐々汎雨攸除烏鼠攸去

君子攸芋

閣音各。椽，殿角反。橐音託。除，直慮反。芋，香于反。約束，板也。閣，狝歷也。繩在板上，歷然繩均，板直則牆端正也。椽，築也。橐，杵也。除，亦去也。無風雨鳥鼠之害，言其上下四旁皆牢密也。芋，大也。君子於是居焉，所以自光大也。如改斯翼，如矢斯棘，如鳥斯革，如翬斯飛，君子攸跼。改音企。棘，居力反。翬音輝。跼，子西反。跂，竦立也。翼，敬也。棘，急也。矢，行緩則枉，急則直也。革，交也。翬，雉，素質五色皆備。

成章者，跼也。言其大勢嚴正，如人之竦立而其恭翼也。其席隅整飭如矢之急而直也。其棟宇峻起如鳥之驚而交也。其檐阿華采而軒翔如翬之飛而矯其翼也。蓋其堂之美如此，而卜君子之所升以聽事也。殖，其庭有覺其楹。噲，其正。噦，其真。君子攸寧。殖，市力反。噲音快。正音政。噦，呼會反。冥，莫形反。殖，平正也。庭，宮寢之前庭也。覺，高大而直也。楹，柱也。噲，狝快。



也。正謂正寢也。噦。深廣之貌。冥。與突之間也。言其室之美如此。而君子之所休息以安身也。

下莞上簟。乃安斯寢。乃寢。乃興。占我夢吉。

夢維何。維熊維羆。維虺維蛇。

莞音管。熊干宮反。羆彼宜反。虺許鬼反。

蛇市奢反。莞苻離。莖圓叢生水中。竹

葦曰簟。熊形類犬。豕人足黑色。曾前有

白斑。狀如恒月。輕捷好緣高木。而引氣

方冬不食。唯自舐其掌。羆而長頸高脚

猛。獠多力。能拔薊。虺。蝮也。細頸大頭。色

如文綬。大者長七八尺。蛇之最毒者。宮

寢既成。具備莞簟。臥起其中。夢兆有祥

亦頌禱之詞也。

大人占之。維熊維羆。男子之祥。維虺維蛇。

女子之祥。

大音泰。大人。古者以聖人之法占之也。

熊羆。陽物在山。強力壯毅。男子之祥也。

虺蛇。陰物穴處。弱隱伏。女子之祥也。

乃生男子。載寢之牀。衣衣裳。載一。弄璋。

其泣。隍。朱蒂斯。皇。室。家。君。王。

衣於既反。璋音章。隍。華音反。蒂音弗。一。

半圭曰璋。璋，臣下所執也。以見無生而  
貴之義也。噲，大也。芾，天子純朱。諸侯  
黃朱。皇，從煌也。室，家言得其配偶也。  
君諸侯也。寢之於牀，尊之也。衣之以裳，  
服之盛也。弄之以璋，尚其德也。言男子  
之主於室者，皆將服朱芾煌煌，然有  
家為君，為王。  
乃生女子，載寢之地，載衣，褊，十載弄之，尾  
也。非，無儀。唯酒食是議，無父母詒。濯，  
也。褊，他計反。詒，以之反。褊，褊也。尾，紡磚  
也。儀，善。濯，愛也。寢之於地，卑之也。衣之

以褊，即其用而無加也。弄之以瓦，習其  
所有事也。有非，非婦人也。有善，非婦人  
也。唯順是守，婦道足矣。唯酒食是議，而  
無遺父母之憂，則可矣。  
斯于九章四章章七句，五章章五句。  
誰謂爾無羊，三百維羣。誰謂爾無牛，九十  
其犝。爾羊來思，其角濈濈。爾牛來思，其耳  
濕濕。  
犝而純反。濈，莊立反。濕，始立反。爾，汝也。  
并宣王也。黃牛黑唇曰犝。羊以三百為  
群，其群不可數也。牛之犝者，九十非犝。

者尚多也。聚其角而息。滅。然。滅。和也。羊以善觸力患。故言其和。謂聚而不相觸也。呵而動其耳。淫。然。淫。潤。沃也。牛病則耳燥。安則潤沃也。此亦宣王詩也。言牧事有成而牛羊衆多也。或降于阿。或飲于池。或寢或訛。尔牧來思。何蓑何笠。或負其餼。三十維物。尔牲則具。訛。五。戈。反。何。河。可。反。蓑。素。戈。反。笠。音。立。餼。音。侯。訛。動。何。揭。也。蓑。所以備雨。笠則兼可禦暑。物類也。謂分別毛色也。奇其色而別之。凡為色三十也。言牛羊每

驚畏而牧人備暑禦雨。奇飲食從其所適。以順其性。是以生養蕃息。至於其色。無所不備。而於用無所不有也。尔牧來思。以薪以蒸。以雌以雄。尔羊來思。矜。兢。兢。不。騫。不。崩。麾。之。以。肱。畢。來。既。升。蒸。之。丞。反。兢。其。冰。反。騫。起。虔。反。麾。毀。皮。反。肱。古。弘。反。麗。曰。薪。細。曰。蒸。雌。雄。禽。獸。也。矜。兢。堅。強。也。騫。虧。也。崩。羣。疾。也。肱。臂。也。既。盡。也。升。入。牢。也。言。牧。人。有。餘。力。則。出。取。薪。蒸。搏。禽。獸。其。羊。亦。馴。擾。從。人。不。假。箠。楚。但。以。午。麾。之。使。來。則。畢。

來使升則既升也。牧人乃夢衆維魚矣。旒維旂矣。大人占之。衆維魚矣。實維豐年。旒維旂矣。室家溱。旒音飛。旂音餘。溱例巾反。牧人乃夢見衆人相与捕魚。又夢見旒与旂。陰陽和則魚衆多矣。是豐年之祥也。旒旂所以聚衆者。故男女衆多之祥也。男有室女有家。溱。衆也。歲熟民滋。是四之休慶也。此牧成而考之之詩也。故以吉祥之事終焉。

每羊四章八句

節彼南山。維石巖巖。赫。師尹。民具瞻。憂心如忼。不敢戲談。回既卒。斬何用不監。節在切反。赫許百反。悞徒藍反。卒子律反。監古銜反。節高峻貌。巖巖積石貌。赫。師尹。師尹氏也。大師三。公尹氏。蓋吉甫之後。為世卿者。具俱尔。汝也。瞻仰視也。悞燔卒。終斬絕也。監察視也。此周大夫家父所作。刺幽王及尹氏也。節然高峻者。彼南山也。是四方皆遠望而見之。以興赫。然盛者。彼師尹也。故下民俱仰汝而瞻之。汝既為天下

所瞻宜令德以副之。而其所以不善使人  
人愛心如火燔灼。又畏其威而不敢言。  
回既有終斬絕之兆矣。汝何用而不察  
哉。節彼南山。有實其猗。赫々師尹。不平謂何。  
天方薦瘥。喪亂弘多。民言無嘉。惛莫懲嗟。  
猗於宣反。薦徂殿反。瘥才何反。惛七咸  
反。山之實草木是也。猗長薦瘥病弘  
大惛曾也。山之生物其氣平均如一。凡  
生於其上者。無不猗猗其長也。責而尹  
之不均平。不如山之為也。謂何猗云何。

也。神怒降之瘥病重之。以喪亂弘多。民  
怨無美譽之。唯諂譱是興。然尹氏曾  
不懲劔咨嗟求所以自改也。尹氏大師維周之氏。秉國之均。四方是維。  
天子是毗。俾民不迷。不吊昊天。不宜空我  
師。大音秦氏下。礼反。俾婢之反。氏本均  
平。維持毗輔。弔愍空窮。師衆也。言尹氏  
大師維周之氏。而秉國之均。則是空有  
以維持四方。毗輔天子。而使民不迷。乃  
其職也。今乃不平其政。故呼天而告之。

曰不愆弔乎天不宜如是之空我眾人

弗躬弗親庶民不信弗問弗仕勿罔君子

式夷式已五每小人殆五琐五姻亞則每臉仕

已音以琐素火反亞於嫁反臉音武

仕察罔欺也君子謂在上之人也式用

已終殆近也琐五小貌壻父曰姻兩婚

相謂曰亞臉厚也仕事也言凡在上為一

改不躬而行之則民不信其上好為苛

察則民欺罔其上不事察問是所以使

在下不欺其上也用平均之法用有終

之改每愛小人而近之非但疏外小人

不可用雖琐五姻亞之人亦當不可厚

任之以重事已矣凡是皆為改之道也

今尹氏不然故責之如此

昊天不傭降此鞠訥昊天不惠降此大戾

君子如屆俾民心闕君子如夷惡怒是違

傭勅龍反鞠九六反訥音匹戾音麗屆

音戒闕苦穴反傭均鞠窮訥亂戾乖

屆至闕息違遠也言昊天不均而降此

窮極之亂昊天不順而降此乖戾之變

然所以靖之者亦在夫人而已君子每

所苟而用其至。民之乱心必息矣。君子  
立偏而平其政。民之愚怒必遠矣。世之  
盛衰道之隆污亦繫乎天。故以天言之。  
其實立可奈何之詞。  
不弔昊天。乱靡有定。式月斯生。俾民不寧。  
憂心如醒。誰秉四成。不自為政。卒勞百姓。  
醒音呈。或用也。病酒曰醒。成平也。卒  
終也。亦呼天而告曰。不懲弔乎。天乱未  
有所止。而禍患与歲月增長。使斯民不  
安。如愛之如病然。今秉四政者。其誰乎。  
乃非尔尹氏乎。而不自為政。而付之姻

婭之小人。其卒使民为之受其勞弊。以  
至乱也。

駕彼四牡。四牡项领。我瞻四方。蹙蹙靡所  
騁。

蹙子六反。騁勒领反。项大也。盖马之  
大领不堪用者也。蹙。駑駘貌。言我驾  
彼四牡。四牡大领。大领不堪其用。我欲  
瞻四方而去。而马行蹙蹙。不能驰骋。以  
喻事势窮迫。进退皆不可也。此時王室  
昏乱。诸侯交争。立可必之地。立可往之。  
故云尔。

方茂尔恶相尔矛矣。既夷既怙如相疇矣。  
相尔之相息亮反。怙音亦。疇市由反。  
茂盛相视怙悦也。言方盛其恶以相加。  
则视其矛戟如欲战鬪及既夷乎悦怙。  
则相与欢然如宾主而相疇酢不以为  
怪也。小人喜怒之不可期如此。是以君  
子不忍立於其侧也。此章微譏幽王也。  
昊天不平我王不宁不懲其心覆怨其正。  
覆苦服反。尹氏之不平若天使之故。  
曰昊天不平若是则我王亦不得宁矣。  
尹氏行不自懲創其心乃反怨人之正。

己者则其力恶何时而已哉。其實刺幽王也。

家父作誦以究王訥。或訛尔心以畜萬邦。  
父音甫。訛五戈反。畜許六反。家父字  
也。自称字者詩辭不必拘礼称手究窮  
訛化畜養也。家父自言作为此誦以窮  
究王改昏乱之所由。冀改心易慮以畜  
養萬邦也。家邦也。父盡忠竭誠不憚誅罰故  
此自載其字以終焉。盖世臣之義也。  
節尚山十章六章章八句四章章四  
句



正月繁霜我心愛傷民之訛言亦孔之將  
念我獨兮憂心京人哀我小心癯愛以瘁  
正音改繁扶遠反癯音鼠瘁音羊。正  
月夏之四月謂之正月者以純陽用事  
為正陽之月也繁多訛偽孔忘將大也  
京人憂不去也癯幽思也瘁病也夏月  
多霜災降于上也訛言方作禍起于下  
也天譴既見而王不知所懼則回亡無  
日矣然衆人莫以右憂故我獨憂念京  
人不能止息又自哀其小心有癯愛至  
於瘁病耳矣亦大夫刺幽王之詩也

父母生我胡俾我瘡不自我先不自我後  
好言自口莠言自口愛心愈是以有悔  
瘡音庚莠餘久反瘡病自從莠醜也愈  
人憂懼也己不生則己生而罹此百憂  
故追怨父母生己不堪痛言父母生我  
故有此窮苦何使我至此窮苦乎窮苦  
不於我之前不於我之後適丁是時矣  
又譏在上之人曰言之好醜俱是自汝  
口出何不思出好言而特多醜言乎於  
是我憂心愈而分爾輩殊塗故互見  
侵侮也

愛心惇。念我無祿。民之無辜。并其臣僕。哀我人斯。于何從祿。瞻鳥爰止。于誰之屋。惇其營反。并必改反。惇。愛意也。無祿。言不幸也。辜。罪并俱也。古者。以罪人為臣僕。亡國所虜。亦以為臣僕。言不幸而遭四之將亡。与此無罪之民將得被囚虜。而同為臣僕。哀乎我也。人也将復從何人而受祿。如視鳥之飛。不知其將止於誰之屋也。瞻彼中林。侯薪侯蒸。民今方殆。視天夢。既克有定。靡人弗勝。有皇上帝。伊誰云憎。

蒸之烝反。夢莫紅反。勝音升。中林。林中。也。侯維殆危也。天指天朝也。夢。亂也。勝。狩能也。皇大也。上帝。天之神也。林中大木之處。而維有薪蒸。尔以喻朝廷宜有賢者。而但有小人也。是故在下之民。今方危殆。而仰視天朝。夢。然嗚呼。仁遠矣乎。我欲仁斯仁至矣。今王既有定其心。則何難之有。我未見力不堪為仁者矣。王其思諸。又呼天而告曰。皇天上帝。何所憎惡。而降殃如此其甚乎。亦不可柰何之辭也。

謂謂蓋卑。為岡為陵。民之訛言。寧莫之懲。召彼故老。訊之占夢。具曰予聖。誰知烏之雌雄。

訊音信。岡山脊也。大阜曰陵。懲止也。故老老成人也。訊問也。具俱也。烏之雌雄相似而難辨者也。言今王謂山為卑。然其中亦有山脊者。有大阜者。不可謂至卑矣。民之訛言。力不足畏。然其中亦有足似傾覆者。豈可不思察哉。上有道。訛言必止。王何曾莫之懲止乎。今如不信我言。王當召彼宿舊。碩德。使之占其所

微

夢耳。必當有咎。微焉。人君之所畏。唯鬼神。已故冀賢者。託之以規諫也。又曰。王室君臣。俱自謂聖。而其賢愚適同。言無一僂異。如鳥雌雄相似。無能識別也。謂天蓋高。不敢不局。謂地蓋厚。不敢不踏。維號斯言。有倫有脊。哀今之人。胡為虺蜴。局其欲反。踏井亦反。號音豪。虺暉鬼反。蜴星歷反。局曲身也。踏小步也。倫道脊理也。蜴蜥也。虺蜴皆蟲之有毒者。今之人。身朝廷。微婉之辭也。言遭世之亂。天雖高。而不敢不局。地雖厚。而不敢不

踏言王政之暴可畏怖之甚其可號呼  
而為此言者又皆有倫理而可考也衰  
乎之人何乃肆毒以害人而使之至

此乎

睽彼反田有菀其特天之抗我如不我克  
彼求我則如不我得執我仇亦不我力

反音反菀音鬱抗五忽反。反田崎嶇

境埔之處菀茂盛之貌特特異之苗也

抗動也力謂用力仇倨教貌睽彼反

田於有菀然之特而夙雨不之傷害惟

天朝抗動我如恐其不我克何哉。夫

始而求我以為法則惟恐不之得也乃

其得之則空執留我其禮待我仇然

終亦莫能用也求之甚艱而棄之甚易

其無常如此

心之憂矣如或結之今茲之正胡為厲矣

燎之方揚寧或滅之赫々宗周褒姒威之

燎力詔反姒音似威呼悅反。茲此正

政也厲暴惡也火田力燎揚盛也宗尊

也主也言力天下所尊主也褒似幽王

之嬖妾褒國女姒姓也威亦滅也言我

心之憂如有結之者今此之政何其暴

惡也。燎之方盛之時，則寧有能撲而滅之者乎？今赫々然之宗周，而一褒姒足以滅之，蓋傷之也。時而周末滅，以褒姒淫妒讒諂而王惑之，知其必滅，周也。終其永懷，又窘陰雨，其車既載，乃棄爾輔。載輪爾載，將伯助予。窘求，預反。爾載，才再反。下尔載，同。將七羊反。窘困也。輔，車之兩旁縛木於輻，以防輔之者。輸，隨將。請伯長也。以車之載物，喻王之任國事也。夕，淫虛而不知止。君子永懷其終，曰：今王之所為，譬於

方陰雨泥濘，而車易以陷之。時其車既載重，任乃棄其車輔也。嗚呼！不危乎？輔以喻賢者也。君子求助於未危，故難不至。苟其載之既墮，而後號長者以助予，則益及矣。在棄爾輔，員于尔輻。屢顧尔僕，不輸尔載。終踰絕險，曾是不意。員音云。輻，方六反。員，益也。輔，所以益輻也。屢，數也。顧，視也。念也。僕，將車者也。此承上章言，若能棄尔輔以益其輻，而又數々顧視其僕，則不墮尔所載而

踰於絕險矣。今王曾不以是為意乎。  
莫在於沼亦匪克樂。潛雖伏矣亦孔之昭。  
憂心慘兮念四之為虐。  
沼之紹反。示音浴。昭音灼。慘七感反。  
沼池也。昭明易見也。慘於威也。莫  
在於沼池之中。為人所驚駭。不得逸遊。  
亦非能有。示退而潛。雖伏於草石之  
間。亦昭然易見。不足以避網罟之害。莫  
知所逃也。以喻臣民在亂邦。見伏皆不  
可也。乃為痛憂。心中慘兮。然念四之為  
虐。尔。

彼有旨酒。又有嘉穀。洽比其隣。昏姻孔云。  
念我獨兮。憂心慤兮。  
穀戶交反。比。昆志反。慤音穀。洽合比。  
親鄰近云。旋也。慤疾痛貌。言彼王室  
既有旨酒矣。又有嘉穀矣。乃以此物協  
和親比其鄰近之左右。與妻黨之婚姻。  
甚相與周旋而已。不能禮敬大臣。勞來  
諸侯。招賢致士也。其所為如此。四家將  
有危亡。故我憂念之中心慤兮。然痛也。  
此。彼有屋。藪方有穀。民今之無祿。天大  
是極。苛矣。富人哀此惇獨。

也。此音此。藪音速。天於遙反。陟角反。哥我反。也。彼。小貌。藪。窶。陋。貌。指王所用之小人也。穀。祿。天禍。極。害。哥。可。得。單也。也。彼。然之。小人。既已有屋矣。藪。窶。陋。者。又將有穀矣。而民今獨無祿者。是天禍。極。喪之。耳。亦。無。所。歸。咎。之。詞。也。亂至於此。富人。豈。或。可。勝。榮。獨。甚。矣。此。困苦之。甚。者。又。就。其。問。自。較。其。淺。深。之。言也。

正月十三章八句五章章六句

十月之交。朔日辛卯。日有食之。亦孔之醜。彼月而微。此日而微。今此下民。亦孔之哀。序云。此大夫刺幽王也。箋云。當為刺厲王。然不可考矣。十月。夏正。建酉之月也。交。日月交會。謂晦朔之間也。曆法。周天三百六十五度四分度之一。左旋於地。一晝一夜。則其行一周。而又過一度。日月皆行於天。一晝一夜。則日行一度。月行十三度十九分度之七。故日一歲而一周。天月二十九日有奇。而一周。天又逐及於日。而与之會。一歲凡十二會。

方舍則月光都盡而為晦已舍則月光復蘇而為朔朔後晦前各十五日日月相對則月光正滿而為望晦朔而日月之合東西同度向北同道則月掩日而日為之食望而日月之對同度同道則月亢日而月為之食是皆有常度矣然王者修德行改用賢去奸能使陽盛足勝陰衰不能侵陽則日月之行雖或當食而月常避日故其遲速高下必有參差而不正相合不正相對者所不以當食而不食也若四氣改不用善使

皆

臣子皆君父妾婦棄其夫小人陵君子夷狄內侵盜賊公行則陰盛陽衰當食必食雖曰行有常度而實為非常之變十月四陰而食陰壯之甚也微虧也彼月則宜有時而虧矣此日不宜虧而今亦虧且日辰之義幹為日君也枝為辰臣也卯木之辰侵辛金之日柔能勝剛亦臣侵君之象也是亂亡之兆民亦甚可哀亦

日月告凶不用其行四四無改不用其良彼月而食則維其常此日而食于何不臧



告凶告天下以凶亡之徵也行道也于  
行云也凡日月之食皆有常度矣而以  
力不用其行者月不避日失其道也然  
其所以然者以四回無故也四回無故  
者不用善人故也如此則日月之食略  
非常矣而以月食为其常日食为不臧  
者陰亢陽而不勝行可言也陰勝陽而  
揜之不可言也故曰于何不臧行言一  
何不善也

燁ハ震電不寧不令百川沸騰山冢華崩  
高岸为谷深谷为陵衰今之人胡惜莫懲

燁于輒反沸甫味反萃徂恤反惜七感  
反。燁。電光貌寧安令善沸出騰乘  
也冢山顶也萃高峻貌胡惜何曾也幽  
王之時不但日食又燁。然有震雷之  
電不安不善百川之水皆溢出而相乘  
山之冢顶萃然高峻者皆崩落高大之  
岸陷为深谷幽深之谷进出为陵是皆  
当时實事災異之象如此是宜恐懼脩  
省改紀其政尔哀乎今之君臣何曾无  
所懲改哉

皇父卿士番維司徒冢伯冢宰仲允膳夫

聚子內史。蹶維趣馬。槁維師氏。豔妻煽方處。

聚側留反。蹶俱衛反。趨七走反。槁音矩。豔餘贍反。煽音扇。皇父家伯仲允皆字。番聚蹶槁皆氏。卿士六卿之外更為都官。以總六官之事也。司徒之職掌天下土地之圖。人民之數。冢宰掌建邦之六典。皆卿也。膳夫上士也。掌王之飲食。膳羞內史中大夫也。掌爵祿廢置殺生。予奪之法。趣馬下士也。掌王馬之政。師氏亦中大夫也。掌司朝得失之事。六人

中雖官有等卑。權宦相連。朋黨相與焉。色美曰豔。豔妻謂褒姒也。煽熾也。方處言方處勢未交。徒也。所以致交異者由小人用事於外。而嬖妾蠱惑王心於內。以力之主故也。抑此皇父。豈曰不時。胡為我作。不即我謀。徹我牆屋。田卒汙萊。曰予不戕。礼則然矣。汙音烏。萊音來。戕在良反。皇父食采于向。築邑徙民。虐使其下。故詩人刺其事也。抑噫也。時謂土功之時也。作役作也。即就徹去。卒盡也。汙停水也。萊草穢。

也。我殘也。噫。此皇父。豈曰非土功之時  
乎。言不自知其惡也。汝何為使我役作  
築邑之日。不先就。與我謀。告我遷期。使  
豫治田事。徑即徹毀我牆屋。令我築邑。  
廢我農業。使我田之高下。盡為汙萊。予  
而皇父反曰。我不殘敗汝事也。乃下供  
上。彼之禮。當。然耳。言殘虐已甚。十日視  
之。十手指之。何能免其責乎。  
皇父孔聖。作都于向。扞三有事。亶侯多藏。  
不勅遺一老。俾守我王。扞有車馬。以居祖  
向。

向。式亮反。藏。才浪反。勅。莫覲反。孔。甚  
也。聖。通明也。都。大邑。天子公卿所封也。  
向。畿內地名。三。有事。三卿也。皇父。封於  
畿內。當二卿。今立三卿。以比列國也。亶。  
信侯。維藏蓄也。勅者。心不欲而自強之  
詞。有車馬者。亦富民也。徂。往也。皇父自  
謂甚聖。故詩人因而譏之。曰。孔聖也。而  
觀其作都。則不求賢。而徂取富人。以為  
卿。又不自強。雷一人以衛天子。但有車  
馬者。則悉與俱往。不忠於上。而徂知貪  
欲。以自利也。

黽勉從事不敢告勞。無罪無辜。讒口毀之。下民之孽。匪降自天。噂沓背憎。職競由人。黽民允反。鷃五刀反。孽。真列反。噂子損反。沓徒合反。背蒲妹反。鷃。衆多貌。孽。災害也。噂。聚訟也。沓。猥并也。職。主競力也。言黽勉從王事。未嘗敢告勞也。於且無罪而遭讒。然下民之孽。非天之所為也。噂。沓。多言以相說而背則相憎。專力為此者。皆由讒口之人耳。繫之於天者。不可奈何之辭。本之於人者。是其實事。一彼一此。丁寧反。復危亂之狀。

疾苦之態。於是乎可見矣。

悠。我里亦孔之痲。四方有羨。我獨居憂。民莫不逸。我獨不敢休。天命不徹。我不敢傲。我友自逸。

痲。莫背反。羨。餘箭反。悠。憂之長也。里。鄉里也。痲。病羨餘也。逸。豫也。徹。均也。傲。模傲也。友。謂通家之屬。此小民之友。非必謂同志之友也。言今天下病矣。而我所居里。則又甚病矣。四方之民。尚有羨餘。我獨居此。憂民莫不得優游。自逸。我獨不。此憂民所以然者。以天命不

不。敢休息。

均故也。然則我豈敢傲我友之自逸而不自勉哉。大氏衰亂之世，竝被其害。然民不自堪其痛困，必相謂他人所疾苦，不如我之已甚矣。是人情之常耳。此章詩人陳下民窮困之狀，以刺王政也。

十月之交八章章八句

浩，昊天不駿其德，降喪饑饉，斬伐四四。昊天疾威，弗慮弗圖，舍彼有罪，既伏其辜。若此無罪，淪胥以鋪。浩，古老反。昊，胡老反。駿，音峻。饉，其靳反。是，密巾反。舍，音赦。淪，音倫。胥，息奠反。鋪，

普烏反。此蓋正大夫刺幽王也。浩，廣大也。昊，亦廣大之意。駿，大也。穀不熟，曰饑。蔬不熟，曰饉。疾，威疾。怒，威怒也。慮，圖。皆謀也。舍，除。淪，率。胥，相。鋪，徧也。言浩，昊天不美，大王之所為，降此喪亂，年穀不熟，斬伐四方，諸侯兇暴之四。昊天疾怒，威恐汝之所為如此，而王不謀慮之，除彼有罪之四。既伏其辜者，外若此，無罪之人，王亦枉濫之，使牽率相引，而徧得罪者，何哉。

周宗既滅，靡所止戾。正大夫離居，莫知我

勤三車大夫莫肯夙夜邦君諸侯莫肯朝  
父庶曰式臧覆出為惡  
勤夷世反覆芳服反。周宗周之宗族  
也既滅云者王不崇親之恩使諸父  
兄至滅亡也矣定也正長也謂六官之  
長也我不去者自我也勤勞也三車大  
夫謂三公也式用臧善覆反也言周之  
宗族滅亡播蕩無所安定長官大夫避  
亂而散處我勞於從事而無知其勞者  
親離衆叛以將滅亡庶幾其自改悔而  
用善道反出教令復為惡也

如何昊天辟言不信如彼行邁則靡所臻  
凡百君子各敬尔身胡不相畏不畏于天  
如何昊天呼天而訴之也辟法臻至也  
凡百君子指王及群臣在位者言如何  
乎昊天凡今之君子法度之言而不聽  
從則如彼行往而無所底至也凡百君  
子固當各敬慎女之所職而已何為上  
下不相畏乎上下不相畏是不畏于天  
也凡自士大夫至王侯皆任天職者也  
戎成不退飢成不遂嘗我勢御僭日瘁  
凡百君子莫肯用訊聽言則答譖言則退

曾在豎反。替思列反。惜子感反。瘁徂醉反。戎兵遂安也。曾但也。替御近侍也。惜。憂貌。瘁病訊告也。兵寇也。已成而能禦而退之。餓困已成而不能恤而安之。曾但侍御左右小臣。惜。然憂之而日瘁耳。凡百君子莫肯以是告王者。言王之所親惟近習之臣也。王又聞淺近易聽之言。則應答而悅之。若有譖毀之言云。此人不可任。則用其言而罪退之。言輕薄濫妄之甚也。不曰身不能哀哉。不能言。匪舌是出。維躬是瘁。寄矣。能

言巧言如流。俾躬處休。

出尺遂反。瘁徂醉反。匪。豈不也。出出之也。躬躬自也。瘁病寄。可。休美也。言哀。哉我拙乎。言辭而不能陳說也。惟其不言。是以中心怫鬱。躬自瘁病。可以言矣。哉能言之人。巧進詭邪之言。而取說於人。辦給如水流。而使其身處於休美之地。此哀已。羨他之辭。其實反言譏諷之也。

維曰于仕。孔棘且殆。云不可使。得罪于天子。亦云可使。怨及朋友。

施

于往棘急殆危也言人皆曰往仕耳曾  
不知仕之急酷且危殆也當是之時直  
道者世之所謂不可使之臣而枉道者  
世之所謂可使之臣也直道者得罪于  
上而枉道者見怨于友此仕之所以難  
也親戚朋友之情常願欲其善今從君  
為惡故親戚怨之旋及朋友故曰及也  
謂爾遷于王都曰予未有室家鼠思泣血  
無言不疾昔爾出居誰從作雨室  
思息嗣反爾謂離居者鼠思猶癡憂也  
無聲曰泣血當是之時群臣有去者有

居者乃告去者使復遷于王都去者不  
聽而託無家可以居為辭居者又責之  
云我所以憂思泣血欲汝還者以孤特  
在朝無所出言而不為傍人所憎疾故  
思汝爾何為拒我云無室家乎管爾從  
王都出於國外之時誰復從汝作汝室  
也本汝自作之耳汝今若復還亦可自  
作室家何當以是為辭也

兩無正七章二章章十句二章章八  
句三章章六句

詩篇名往々無意義或取詩中字



或命詩人名。今雨無正之名無所  
取焉。諸先儒皆疑之。今按韓詩有  
雨無極篇。異本或極作政。其序云  
雨無極。正大夫刺幽王也。至其詩  
之文。則比毛詩篇首多雨無其極  
傷我稼穡八字。故愚臆斷以為雨  
無極。是此詩本名。其極作政者。因  
下正字而誤也。毛詩無壘字者。闕  
文也。正即正大夫之正。後人誤上  
屬讀之。終以為篇名也。當是之時  
正大夫離居。離居者與儕輩離散

而居之。謂故有居者有去者。此篇  
正大夫居者之所作也。其曰雨無  
其極。傷我稼穡者。極止也。霑雨連  
日不歇。所以水潦傷害稼穡也。古  
云民疾苦。則天為之霑雨。故以是  
起興耳。而第一章十二句。則次章  
亦宜然。今不然者。蓋闕誤耳。而是  
皆臆斷而已。豈敢為定說哉。姑記  
以俟後賢云。  
祈父之什十篇六十四章四百二十  
六句

九述

東都

赤松弘著

詩經卷六

小雅小旻之什二之五

旻天疾威敷于下土謀猶回遘何日斯沮

謀臧不從不臧覆用我視謀猶亦孔之邛

是密巾反遘音聿沮在吕反邛其凶反

。敷布也猶亦謀也回邪遘辟沮止臧

善覆反邛病也此大夫刺幽王也言天

禍正烈遍於下矣而王之謀猶邪辟終

莫之改謀之善者不從其不善者反用

故我視其謀猶亦甚病也

滄カ許急反カ訛カ音紫底之履反カ滄カ權

謀之不臧則具是依我視謀猶伊于胡底

勢之貌カ訛カ營利之貌カ具底カ至也カ言

衆小在位皆滄カ然專作威福又訛カ

然競營私利皆不稱其職是禍亂之階

亦甚可哀傷矣然謀之善者俱皆違之

其不善者依就之謀猶如此則亦何所

至乎至於亂而已

我龜既厭不我告猶謀夫孔多是用不集

發言盈庭誰敢執其咎如匪行邁謀是用

不得于道

猶圖集就匪當作彼敵之誤道道義也

卜筮數則瀆而龜厭之故不復告其所

圖之吉凶謀夫衆則是非相奪而莫適

所從故所謀終亦不成蓋發言盈庭各

是其是無肯任其責而決之者猶與行

邁之人謀之人以而為異論何得於道

義哉

哀哉為猶匪先民是匪大猶是經維程邁ツチマ

言是聽維邁言是爭如彼築室于道謀是

用不瀆于成

匪不也先民古之聖賢也程法猶道經

常瀆遂也言哀哉今之為謀不以先民

為法不以大道為常其所聽而爭者皆

淺末卑迤之言以是相持如將築室道

傍而與行路之人謀之異議紛雜其能

有成也哉

國雖靡止或聖或否民雖靡盬或哲或謀

或肅或艾如彼流泉無淪昏以敗

否方九反盬音武艾音刈止居也聖通

明也盬大艾治淪率昏相也言雖居民

寡小而亦有聖者焉有否者焉不壹否

也有哲者焉有謀者焉有肅焉者有艾

焉者但王不用善則雖有善者不能自

存如彼泉水之流每率引污穢以相濁

敗矣聖哲謀肅艾即洪範五事之德

不敢暴虎不敢馮河人知其一一莫知其他

戰、兢、如臨深淵如履薄冰

馮符冰反兢已冰反徒搏曰暴徒涉

日馮、陵也戰、恐懼競、戒慎如臨

深淵恐墜也如履冰恐陷也衆人之慮

不能及遠暴虎馮河之患近而易見則

知避。喪回。亡家之禍。隱於無形。則不知。以為憂也。如臨深淵。如履薄冰。懼及其禍之詞也。

小旻六章三章八句三章章七句。蘇子瞻曰。小旻。小宛。小弁。小明。四詩。皆以小名篇。所以別其為小雅也。其在小雅者。謂之小。故其在大雅者。謂之召。旻。大明。獨宛。弁。閟。焉。意者。孔子刪之矣。雖去其大而。其小者。猶謂之小。蓋即用其舊也。

宛彼。鳴鳩。翰飛。戾天。我心。憂傷。念昔。先人。

明矣。不寐。有懷。二人。

宛。於。阮。反。翰。胡。且。反。○宛。小。貌。鳴。鳩。班。鳩。也。翰。高。戾。至。也。先。人。先。世。聖。賢。也。明。發。謂。將。且。而。光。明。開。發。也。二。人。文。武。也。言。鳴。鳩。雖。小。亦。有。高。飛。至。天。之。志。而。王。不。自。勉。強。奮。起。曾。飛。鳩。之。不。效。故。我。心。為。之。憂。傷。追。念。在。昔。之。先。人。文。武。成。康。創。業。紹。述。之。功。德。我。從。父。至。明。不。能。寢。寐。所。思。而。弗。措。者。特。此。文。武。二。人。也。閟。四。之。大。業。今。將。亡。滅。故。憂。念。之。也。亦。大。夫。刺。幽。王。也。

人之奇聖飲酒温克彼昏不知壹醉日富  
各敬爾儀天命不又  
齊肅也聖通明也克約也富盛也多也  
又復也言奇聖之人雖醉猶温恭自修  
以檢束其身所謂不為酒困也彼昏愚  
不知者則一於醉而日甚盛矣於是言  
各敬慎爾之威儀天命一去不復來也  
幽王昏愚天命將改暗戒以此言群臣  
化其凶德故言各者并及之也  
中原有菽庶民采之螟蛉有子螺贏負之  
教誨爾子式穀似之

似步屈其色善  
而細小螺贏  
蒲盧似蜂

菽音叔 螟亡丁反 蛉音零 螺音果 贏力一  
果反中原原中也菽藿也螟蛉桑上青  
虫其色黑而小腰相傳薄盧取桑虫負  
持之於木空中七日而化為其子尔子  
謂民也王者以民為子故云尔式用穀  
善也言藿生原中非有常主力采者則  
得之以喻王位每常家也蒲盧取桑虫  
之子負持而去煦嫗養之以成其子以  
喻有萬民不能治則能治者將得之也  
又言今有教誨女之萬民用善道者亦  
似蒲盧將得而子也上章既言天命不

又故此申述天命無常之意以戒幽王也。題彼脊令載飛載鳴我日斯邁而月斯征。夙興夜寐無忝尔所生。題大計反令音零。題視載則也則飛則鳴翼也口也不有止息我我王也邁征皆行謂力行政事也忝辱也所生謂父母也言脊令小鳥猶且則飛則鳴勤其身不<sub>自</sub>少休息今王亦宜夙夜汲<sub>自</sub>勉厲政事<sub>庶</sub>無傾覆其國家忝辱汝先生而已不欲<sub>自</sub>存言故其辭如此。

交：桑扈率場啄粟哀我填寡宜岸宜獄。握粟出卜自何能穀。扈音戶場大良反啄陟角反填徒典反握於角反。交：小貌桑扈鳥名其翮或淡白如脂或凝如蠟故古名竊脂。後呼蠟<sub>黃</sub>翮淺色曰竊填与瘡同病也岸力犴同亦獄也鄉亭之繫曰犴朝廷曰獄言桑扈小鳥尚能率場啄粟矣哀乎我病寡之人終見枉濫而入於犴獄則小鳥之不如而已云宜者謂其勢不得不然也惟是貧者無財自救但持粟以

求卜者問其處置。曰何自而能善乎。謂  
處置之善者也。温之恭人如集于木。惴之小心如臨于谷。  
戰之兢之如履薄冰。惴之瑞反。温之和柔貌。如集于木。恐  
墜也。惴之憂懼貌。如臨于谷。恐墮也。如  
履薄冰。恐陷也。衰乱之世。賢人君子雖  
無罪。猶恐懼。

小宛六章章六句

弁彼鶯斯。歸飛提提。民莫不穀。我獨于罹。  
何辜于天。我罪伊何。心之憂矣。云如之何。

弁步于反。鶯音豫。提是移反。罹力知反。  
。弁方般同。樂也。鶯卑居小。而多群。腹  
下白。或呼為雅鳥。斯語詞也。提。羣貌。  
穀。養。罹。憂也。此太子之傳刺幽王也。幽  
王取申女生太子宜咎。又說褒姒生子  
伯服。立以為后。而放宜咎。將殺之。故其  
傳作此詩。曰樂予。彼雅鳥。出食在野。共  
飽。群飛而歸。提提。然不特鳥為然。凡天  
下之民。父子兄弟。莫不得以相養。而我  
獨見棄於父母。乃訴天云。我有罪乎。上  
天降此咎殃。哀痛之至。省躬自誅之詞。



也。又問天云：我罪維如何乎？欲天辨其罪之所由也。心之憂矣，云如之何？則知其無可奈何而安之之詞也。此傳述太子情狀而傷之也。

假寐永歎，維憂用老。心之憂矣，疢如疾首。反疾，勅勤反。勑，九六反。怒乃歷反。擣，丁老反。疾，勅勤反。○勑，平易也。周道周室之通道也。勤，窮也。王室衰弱，諸侯不朝，覲故周道之平易盡，為茂草，藁塞不通也。怒，思擣築也。憂思之甚，如有物之擣

心也。不脫衣冠而寐曰假寐。精神憊勞，則假寐矣。假寐之中，猶不忘長歎。未老而老，皆言憂之甚也。疢，猶疾也。疾首，謂頭痛也。

維桑扈梓，必恭敬止。靡瞻匪父，靡依匪母。不屬干毛，不離于裏。天之生我，我辰安在。梓，音子。屬，音燭。裏，音里。桑梓，二木古者五畝之宅，樹之牆下，以遺子孫。給蠶食，供器用者也。瞻者尊而仰之，依者親而倚之。屬，連也。毛，膚體之餘氣，末屬也。離，麗也。裡，心腹也。辰，特也。言桑梓父母所

植尚且必加恭敬。況父母至尊至親，宜莫不瞻依也。然父母之不我愛，豈我不屬于父母之乞乎？豈我不麗于父母之裏乎？何由如此，不得父母之恩也？無所歸咎，則推之于天，曰：豈我生時不吉乎？何不祥至是也。

菟彼桺斯，鳴蜩嘒嘒。有漼者淵，萑葦淠淠。譬彼舟流，不知所屆，心之愛矣，不遑假寐。

菟音鬱，蜩音條，嘒呼惠反，漼千罪反，萑音丸，葦葦思反，淠享計反，屆音戒。菟茂盛貌，蜩蟬也，嘒色也，漼深貌，淠

衆也。屆至遑暇也。桺樹茂盛則多蟬，淵深而旁生萑葦，言大者之旁無所不容。今太子不為王所容，而放逐狀如舟之流行，立制之者不知終所至者也。初猶假寐，此則不遑其憂逾迫也。鹿斯之奔，維足伎伎，雉之朝雝，尚求其雌。譬彼壞木，疾用無枝，心之憂矣，寧莫之知。伎其宜反，雝古豆反，壞胡罪反。伎伎，舒貌，宜疾而舒，替雷其羣也。雝雝，鳴也。尚猶也，壞傷病也。疾云者，謂木病，疴，偃，瘦腫者也。寧猶何也。鹿走而雷其羣，雝

鳴而求其雌。物無不有恩於其親者。親之不可去。非獨以其愛。亦以其助也。今王獨棄后而逐太子。兀然如壞木之無枝。而莫之顧。何也。相彼投兔。尚或先之。行有死人。尚或瑾之。君子秉心。維其忍之。心之愛矣。涕既隕之。相息亮反。兔他故反。先蘇薦反。瑾音覲。隕音蘊。相視投奔也。兔為物所驅。急投人人哀其窮。則及驅者未至而先存之。是人情之常也。行道瑾埋。秉執隕墜也。視彼被逐而投人之兔。尚或有哀其

窮而先脫之者。道有死人。尚或有哀其暴露而埋藏之者。不方此二者有相知而皆有不忍之心焉。今王信讒棄逐其子。曾視投兔死人之不如。則其秉心亦忍矣。是以心愛而涕隕也。君子信讒如或疇之。君子不惠不舒。究之伐木倚矣。析薪柶矣。舍彼有罪。予之佗矣。疇市由反。倚寄彼反。柶勅氏反。舍音佗。吐賀反。疇分酬同。報也。惠愛舒緩。究謀。覲其理而隨之也。佗加也。言王惟讒是聽。如受酬爵。得即飲之。曾不加惠愛舒

世持倚下畏  
不例以物倚  
其出歟中拖

舍音佗

謀

緩而究謀之。夫苟舒緩而究謀一之。則讒者之情得矣。伐木者尚倚其巔。析薪者尚隨其理。皆不妄挫折之。今乃捨彼有罪之譖人。而加我以非其罪。曾伐木析薪之不也。

莫高匪山。莫浚匪泉。君子無易由言。耳屬于垣。無逝我梁。無發我筭。我躬不閱。遑恤我後。

浚。蘇俊反。易。夷鼓反。屬。音燭。垣。音袁。筭。音苟。浚。深由用也。章首二句言高深之勢。易成以喻讒構之害。易就也。而且

戒之云。王無輕用讒人之言。恐有希旨者。屬耳於垣而競進讒。翹之言也。王於是卒以褒姒為后。伯服為太子。故告之曰。毋逝我梁。毋發我筭。比喻以言恐二人之害其成業之意也。然知其不可奈何。故曰。我躬不閱。遑恤我後。不忘回不忘父。其意亦美矣。

小弁八章章八句  
悠々昊天曰父母且曰無罪無辜亂如此愴  
昊天已威予愼無罪昊天秦愴予愼無辜  
且七餘反悔火吳反悠々遠大之貌且

語詞。惶大也。已。秦晉甚也。慎誠也。此刺  
幽王也。大夫傷於讒。無所控告。而訴之  
於天。曰。悠々昊天。為人之父母。胡為使  
無罪之人。遭亂如此。其大也。昊天之威  
已甚矣。我誠無罪也。昊天。之威甚大矣。  
我誠無辜也。此自訴而求免之詞也。  
亂之初生。僭始既涵。亂之又生。君子信讒。  
君子如怒。亂庶遄沮。君子如祉。亂庶遄已。  
僭側蔭反。涵音含。遄市專反。沮辭呂反。  
祉音恥。僭。譖通用。語始不信之端也。  
涵容。遄疾。沮止。福也。謂施慈惠於民。

而皆得其福祿也。欲為讒於其君者。必  
以漸入之。其始也。進而嘗之。君容之。而  
不拒。知言之。無忌。於是復進。既而君信  
之。是禍亂所由生也。君子如有怒。讒邪  
之心。則亂庶幾遄沮矣。君子如有仁。下  
民之心。則亂庶幾遄已矣。今涵容不斷。  
譖信不分。亂之不宜矣乎。  
君子屢盟。亂是用長。君子信盜。亂是用暴。  
盜言孔耳。亂是用飮。匪其止共。維王之邛。  
屢力住反。長丁丈反。飮音談。共音恭。邛  
其恭反。屢。數也。非會同之時。而盟曰

數也。盟，邦國有疑，則殺牲，歃血，告神，以相要束也。盟之所以數者，由世衰，亂多相背違也。盜，指讒人也。言晝伏夜奔，逃避人也。飭，進也。止，共謂止於供職也。邛，病也。言君子不能已，亂而屢盟，以相要。則亂是用長矣。君子不能聖，讒而信盜，以為虐，則亂是以暴矣。讒言之美如食之，牙使人嗜之，而不厭，則亂是用進矣。然此讒人不止，心供職，徒以為王之病而已。

爽，寢廟君子作之。秩，大猷。聖人莫之。

他人有心，予忖度之。躍，兔。遇犬獲之。爽音亦，秩音帙。忖，七損反。麇，待洛反。躍，後寢秩之序也。猷，道莫定也。躍，跳疾貌。鼯，狡也。言君子之人，孝心不忘，故宅兆祖考之靈，而不失墜其業，奉遵先聖之道，而保守其回家，为其子孫者，豈不可。繼述乎。暗刺幽王不然也。他人有心，予忖度之。言雖讒者之言，善思惟忖度之，則得其情，何為所眩惑之。有譬如狡兔，雖騰躍逃隱，其迹或適与犬遇而見。

獲今王無識鑒亦無威斷犬之不如也  
在染柔木君子樹之往來行言心焉數之  
蛇、碩言出自口矣巧言如簧顏之厚矣  
荏而其甚反焉如字數所主反蛇以支反  
簧音黃。在染柔意也柔木桐梓之屬  
可用者也行言行道之言也數猶辨也  
蛇、安舒貌碩大也柔木比柔善之人  
王宜愛護使得樹立勿縱讒邪傷害之  
也往來行言猶可以能辨之况臣下機  
巧之言乎亦刺王之不思察也而又陳  
察之之方曰邪巧之人徐緩漸力大言

徒自口出無所忌憚其言誠可聽其樂  
如笙簧虛夸不知恥其顏而甚厚而其  
言往、無證驗則不為難察王之所以  
見眩惑者何也

彼何人斯居河之麋無職為亂階  
既微且燠雨勇伊何為猶將多尔居徒幾  
何

麋音眉拳音權燠市勇反幾居豈反。  
一章皆賤而惡之之辭故力不知其姓  
名而曰何人以為發首盖有所指尔斯  
語辭水草交謂之麋拳力職主階梯也

鼯瘍為微腫足為癭猶謀將大也言彼何人也居下濕之地其居至鄙陋矣既無券力又無勁勇乃結構奸邪主為禍亂之階梯况加以脚鼯有微疾足跗有虺疾尔假有勇伊何能為汝為詭邪之謀雖曰大且多其所為聚居之徒衆幾許人而能為此乎言徒衆亦不多也此非特賤譏人盖亦譏其本易驅除而王不悟耳

巧言六章

以五章巧言二字名篇

彼何人斯其心孔艱胡逝我梁不入我門伊誰云從維暴之云

彼何人斯况指他人之辭也梁橋也孔一甚艱險也我蘇公自我也暴暴公也皆幾內諸侯也此蘇公刺暴公也然不直斥暴公遠指其從行者而言者不特怨暴亦憤世之意也言彼何人者其心甚險胡為往我之梁而不入我之門乎既而問其所從則暴公也宜乎其不我訪也盖暴公為王卿士而為蘇公有隙遂譖之於王暴公時有寵權人皆阿附遠



棄蘇公蘇公怨憤發其辭如此  
二人從行誰為此禍胡逝我梁不入唁一我  
始者不知今云不我可  
唁音彦。二人曩公方其徒也唁弔失  
位也可許方也言二人相從而行不知  
誰譖已而禍之乎既使我得罪矣而其  
逝我梁也又不入而唁我汝始者方我  
親厚之時豈嘗如今不以我為可乎蓋  
曩公本方蘇公相善後媚疾而譖之故  
譏其交誼不固如此  
彼何人斯胡逝我陳我聞其色不見其身

不愧于人。不畏于天。  
陳堂下至門之塗也。在我之陳則又近  
矣。而聞其色而不見其身。則其疏我者  
審矣。汝為奸惡之行人。豈不之知哉。是  
不愧于人。也不畏于天。豈不之罰哉。是不畏于  
天也。  
彼何人斯。其為飄風。胡不自北。胡不自南。  
胡逝我梁。祇攬我心。  
飄。避遙反。祇音支。攬交并反。○飄風曩  
風也。攬擾亂也。言其往來之疾若飄風。  
然是其不欲見我。故也。汝苟不欲見我。

則何不取道自南。北。若自南北。則方我  
不相值也。今則逝我之梁。則適所以攪  
乱我心而已。言方已不相值。則已矣。今  
則近在梁。而不入訪我。使我怨益深  
也。故曰。祇攪我心耳。  
尔之安行。亦不遑舍。尔之亟行。遑脂尔車。  
壹者之來。云何其盱。  
亟。紀力反。脂音支。盱况干反。安徐遑  
暇。舍息亟疾。盱病也。汝不欲見我。故常  
奔走避我。其徐行之時。猶不暇息。况其  
疾行。何暇脂其車哉。汝之忌我如此。雖

然我豈厭棄汝哉。庶幾來見其壹。來見  
我於汝。何病也。盖欲方之相見。而論以  
故舊情。使之方已講和。未忍遽紀之。故  
其言如此。  
尔還而入我心。易也。還而不入。否。難知也。  
壹者之來。俾我祇也。  
易。夷鼓反。否。補美反。還。反也。易。平易也。  
否。否塞。謂彼此也。情不通也。祇。安也。言  
尔之往也。既不入。我門矣。儻還而入。則  
我心平易。而不之怨也。還而不入。則彼  
此之情不通。譖我方。否。復難知也。庶幾

一來見我而使我不安乎

伯氏吹壎仲氏吹箎及尔如貫諒不我知

出此三物以詛尔斯

壎沉袁反箎音池貫古乱反詛側助反

伯仲兄弟也壎樂器燒土为之大如

鷲子銳上平底似稱鍾六孔箎以竹为

之長尺四寸圍三寸七孔一孔上出徑

三分凡八孔橫吹之如貫如繩之貫物

也言相連屬也諒信也三物犬豕雞也

刺其血以詛盟也言尔汝故舊如兄弟

相友睦如壎箎相應和情意如一故今

雖汝不我信我不欲遽与汝絕汝若聽

我我則詛盟示汝以信言此者非我貳

汝汝乃絕我也故舊相怨其情當若是

已

为鬼为蜮則不可得有醜面目視人罔極

作此好歌以極反側

蜮音域醜土典反。鬼厲鬼也蜮短狐

也江淮水皆有之狀如鼈而三足能含

沙以射水中人影其人輒病而不見其

形也醜面見人之貌也好猶善也反側

反覆不正直也言汝为鬼为蜮則不可

得而見矣。汝乃人也。醜然有面目。人相視。無窮極之時。豈可得而隱匿哉。是以作此好歌。以究極。尔反側之情也。此篇怨辭也。而曰好歌者。本非惡之。使其由此悔悟。更以善意從我。固其所願。故尔。

何人斯八章章六句

萋兮斐兮。成是貝錦。彼譖人者。亦已大甚。萋七西反。斐孚匪反。大音泰。萋斐皆文章之貌。貝水中介。貴也。有文彩似錦。幽王之時。有遭譖而被官刑。為巷伯者。

作此以刺焉。言女工集彼衆采而織之。巧成貝錦之文也。以興譖人。拳人過失。而構之。終成大罪之狀也。彼為是者。亦已大甚矣。

哆兮侈兮。成是南箕。彼譖人者。誰適分謀。哆昌者反。侈尺是反。適丁歷反。下同。哆小張貌。侈大張貌。南箕四星。二為踵。其形小張。二為舌。其形大張。以比因小有過失。而遂大成譖構也。其意以為過失之方。譖構相困。而成罪惡之狀。猶踵之方。舌相連。而成南箕之星。適主也。誰

主方汝謀乎怪其讒之甚巧之辭也

緝謀欲翩謀欲人慎尔言也謂尔不信

緝七立反翩音篇緝口舌翩然謀欲

往來貌口舌緝然往來翩然謀欲

為讒譖以害人其意所存唯是而已每

它嘗為也而汝自以為得意矣然更宜

保慎其言不則聽者有時而悟且將以

尔為不信矣

捷幡謀欲譖言豈不尔受既其女遷

幡芳煩反女音汝捷猶緝也幡

猶翩也上好譖則固將受女然好

譖不已則遇譖之禍亦既遷而及汝矣

上章及此似忠告者而其實怨之甚反

言以譏其愚駭之辭也

驕人好勞人艸蒼天視彼驕人矜此

勞人好喜也艸愛也彼則譖行而得意

故驕逸我則遇譖而失度故憂勞乃呼

天而告之曰上天願比視彼驕人而哀

憫此勞人哉

彼譖人者誰適方謀取彼譖人投畀豺虎

豺虎不食投畀有北有北不受投畀有昊

卑必二反。豺士皆反。誰適方謀甚疾其  
主謀之辭也。投棄也。豺狼屬狗彘。北北  
方寒涼不毛之地。擲之彼地使凍餓之  
也。昊天也不食不受。言讒譖之人物  
所共惡也。投畀有昊。付与昊天制其罪  
也。

揚園之道。猗于畝丘。寺人孟子。作為此詩。  
凡百君子。敬而聽之。  
猗於綺反。揚園。園名下地也。猗加也。  
畝丘。丘名高地也。寺人。內小臣。主宮內  
道官之長。即巷伯也。孟子。其字。蓋以謬

被宮刑而為巷伯也。園以況卑人。丘以  
況大臣。欲陵畝丘。則必道揚園。言譖始  
於微者。而其漸將及於大臣。故作詩使  
聽而戒之也。怨憤之至。將踐死地。故  
其字耳。

巷伯七章。四章章四句。一章五句。一  
章八句。一章六句。

巷宮內道名。伯長也。此巷伯所作。  
故以名篇。

習。谷風。維風及雨。將恐將懼。維予兮女。  
將安將樂。女轉棄予。

恐丘勇反。女音汝。樂音洛。習。和暢。貌。谷。夙。東。夙。也。東。夙。善。雨。以。興。夙。雨。相。感。朋友。相。須。之。意。也。將。且。也。恐。懼。謂。危。難。憂。患。之。時。也。幽。王。之。時。天。下。俗。薄。朋。友。道。絕。故。詩。人。刺。之。此。朋。友。相。怨。之。辭。也。言。汝。在。將。恐。將。懼。之。時。則。固。心。戮。力。相。親。厚。矣。奈。何。將。安。將。樂。而。女。轉。棄。予。哉。

習。谷。夙。維。夙。及。頽。將。恐。將。懼。寘。予。于。懷。將。安。將。樂。棄。予。如。遺。

頽。徒。雷。反。寘。之。豉。○。頽。夙。之。焚。輪。者。也。谷。夙。方。頽。夙。二。夙。并。力。相。扶。其。勢。乃。盛。矣。以。比。朋。友。相。輔。其。德。乃。成。也。寘。置。也。置。于。懷。親。之。也。如。遺。忘。去。而。不。復。存。首。也。

習。谷。夙。維。山。崔。嵬。寘。草。不。死。寘。木。不。萎。忘。我。大。德。思。我。小。怨。崔。徂。回。反。嵬。五。回。反。萎。於。危。反。○。崔。嵬。山。巔。也。習。谷。夙。維。山。崔。嵬。則。夙。之。所。被。者。廣。矣。然。猶。不。能。寘。萎。死。者。況。於。朋。友。豈。亦。能。不。時。有。小。訟。乎。可。以。忘。大。德。而。思。小。怨。者。非。交。游。之。道。也。

谷風三章章六句

蓼者莪匪莪伊蒿哀父母生我劬勞  
蓼音六莪五河反蒿呼毛反。蓼長  
大貌哀可哀也幽王之時民人  
勞苦存子不得終養乃作此以刺焉言  
彼蓼然長大者非莪則蒿皆物之微  
者其茂盛如此由天地生育之功也以  
思我之生也父母養育我者亦劬勞矣  
而我不得終養以報者不亦哀乎  
蓼者莪匪莪伊蒿哀父母生我劬勞  
蔚音尉瘁似醉反。蔚牡蔽也三月始

生七月始華如胡麻華而紫赤八月為  
角似小豆角銳而長瘁病也

餅之罄矣維蠹之恥鮮民之生不如死之  
久矣無父何怙無母何恃出則銜恤入則  
靡至

餅蒲丁反罄苦定反蠹音雷鮮息淺反  
怙音戶。餅小罍大皆酒器也罄盡鮮  
寡恤憂靡至極也餅譬則民也罍譬  
則君也餅之罄則罍之恥民之窮則君  
之羞也因言窮獨之民而生存不如死  
之為優者久矣不堪悲恨之辭也又言



父母之心子出往則銜無窮之憂入來則亦憂慮無所限極其恩若此而我不得終養以報者何也

南山烈風發民莫不穀我獨何害  
父兮生我母兮鞠我拊我畜我長我育我  
顧我復我出入腹我欲報之德昊天罔極  
拊音撫畜喜郁反。生者本其氣也鞠  
養也拊拊循也畜謂起止之也育覆育  
也顧旋視也復反覆也腹懷抱也罔無  
極窮也言父母之恩如此欲報之以德  
而其恩之大如天無窮不知所以為報也

南山烈風飄風發民莫不穀我獨何害  
飄避遙反。烈寒也發疾也穀善  
也虐政之病人如大寒之視南山而聞  
飄風望之可畏暴急而中人也然民莫  
不善而我獨何力遭此害也他得存養  
唯己獨否怨者之常辭尔  
南山律風飄風弗民莫不穀我獨不卒  
律烈也弗烈發也卒終也  
言終養也

蓼莪六章四章章四句二章章八句  
有饁簋殮有捋棘也周道如砥其直如矢

君子所履。小人所視。瞻言。願之。潛焉。出涕。  
 饜音蒙。簋音軌。殽音孫。捩音蚪。匕必履。  
 反砥之履。反瞻音卷。潛所茨。反涕音體。  
 刺亂世也。饜滿簋貌。熟食也。捩長貌。  
 棘匕以棘為匕。所以載鼎肉而分之於  
 俎也。砥斫石言平也。矢言直也。君子在  
 位也。履行也。小人下民也。視於觀也。瞻  
 反頭也。潛涕下貌。先王之世。諸侯懷服。  
 朝覲時行。王室昌盛。此簋殽鼎肉之禮。  
 以接待焉。通周道路平直。而職貢易致。  
 是以君子履而行之。小人以為美觀。凡

此等事在乎前世。過而去矣。從今願之。  
 為之出涕。傷今不如古也。  
 小東大東。杼柚其空。糾糾葛屨。可以履霜。  
 桃。公子行。彼周行。既往既來。使我心疚。  
 杼直呂反。柚音逐。糾居黝反。屨九具反。  
 桃徒彫反。行戶郎反。疚音救。小東大  
 東。東方小大之國也。自周視之。則諸侯  
 之國皆在東方。杼持緯者也。柚受經者  
 也。王室之於諸侯。猶經之持衆緯也。今  
 小大皆止於東。不來供王事。猶杼柚空  
 匱也。其所存僅坊內小回耳。故以葛屨

履霜為比。糾。疏。貌。葛屨。夏所用也。言  
不得其所。佻。輕。薄之貌。公子。諸侯之  
卿大夫也。諸侯不朝。覲。唯使其臣下時  
或聘。問而已。賤而輕之。故以佻。言之。  
周行。周之道路也。王室微弱如此。故詩  
人視使者之往來。使其心憂而病也。疾  
病也。

有列。沈。泉。每浸。獲薪。契。寤。歎。哀我憚人。  
薪是獲薪。尚可載也。哀我憚人。而可息也。  
列。音。列。沈。音。軌。浸。子。鳩。反。獲。戶。郭。反。契。  
苦計。反。憚。丁。佐。反。列。寒。意也。側。出。曰。

沈。泉。獲。艾也。契。憂苦也。憚。勞也。尚。庶  
幾也。載。以。歸也。此。告病之辭也。列。然  
沈。泉。每。得。浸。漬。我。所。獲。之。樵。薪。浸。之。則  
濕。腐。不。中。用也。今。群。下。被。禍。患。契。契。然  
憂。苦。而。寤。寐。嗟。嘆。哀。乎。我。勞。苦。之。民。猶  
樵。薪。為。濕。腐也。夫。薪。已。艾。矣。而。復。浸。之。  
則。腐。民。已。勞。矣。而。復。事。之。則。病。故。已。大  
則。庶。其。載。而。畜。之。已。勞。則。庶。其。息。而。安  
之。

東人之子。職勞不俸。西人之子。祭。衣服。  
舟人之子。熊羆。是裘。私人之子。百僚。是試。

僚力彫反。東人諸侯也。西人京師也。職謂調祭。勞謂困敝也。言困敝於調祭。無度。背叛不來也。祭。鮮盛貌。舟人。舟楫之人也。熊羆。是裘。言富也。私人。私家。皂穎之屬也。僚官。試用也。百僚。是試言貴也。舟人。私人。皆西人也。言東方諸侯背叛不來修職事。然京師在位之人不知懲勅。方事侈富。潔其衣服。以相誇絕。功臣之世。棄賢者之類。寔賤。無知之人。得志在位。舟人之子。熊羆為裘。私人之子。試百僚。言濫極矣。

或以其酒。不以其漿。鞞。佩璲。不以其長。維天有漢。監亦有光。跂彼織女。終日七襄。鞞。胡犬反。璲。音遂。監。古整反。跂。丘鼓反。六飲。酒漿居其二。皆所以為禮也。以用也。今獨有用其酒。而不用其漿。言廢棄禮儀。而唯酒是耽也。鞞。長貌。璲。瑞也。佩璲。以瑞玉為佩也。古之君子。必有佩玉。今王朝所用之人。皆鞞。然佩其瑞玉。居其官職。而非用其才之所長。徒尸位素餐而已。漢天河也。監視也。跂。隅貌。織女星。名在漢南。三星。跂。然如隅也。

輜駕也。謂更其肆也。蓋天有十二次，日月所止舍，所謂肆也。經星一晝一夜，左旋一周，而有餘則終日之間自并至，酉當更七次也。言彼素飡之人，徒有其位，而無其德，辟如天有雲，漢視之有光，然徒有漢名，而無水用矣。辟如天有織女，徒有織耳，亦有織名，而無其用矣。雖則七輜不成報章，睨彼牽牛，不以服箱。東有啟明，西有長庚，有捭天畢，載施之行。睨華板反行，戶即反。織之用，緯一來，一去相反，報成文章，而織女有織名，爾。

輜

不能報反成章也。睨明星貌，牽牛星名，以用也。服箱，言駕車也。言牽牛不可用於駕車也。箱，大車容物之處。金星朝先日而在東，謂之啟明，所以啟日之明。夕後日而在西，謂之長庚，庚續也。所以續日之長。捭，畢貌。天畢星名，狀如掩兔之畢，載則行列也。天雖有織女，不能織而成章。牽牛不能駕車，而輪物啟明，長庚不能助日而發光。天畢不能掩捕鳥獸。凡此諸星，皆益實用，但施之行列而已。尸位素飡之太似之矣。

維南在箕不可以簸揚維北有斗不可以  
挹酒漿維南有箕載翕其舌維北有斗西  
柄之揭

簸波我反挹音擗翕許急反柄彼病反  
揭居竭反。箕斗二星以夏秋之間見  
於南方斗以北言之者以其在箕之北  
也非曰北方常見不隱者也擗酌翕引  
也箕四星二為踵二為舌踵挾而舌廣  
斗六星二為柄四為斗言維天南有箕  
星不可以簸揚米粟北有斗星不可以  
挹酒漿其箕則徒翕引其舌而已其

斗則徒西揭其柄而已皆無其用也

大東七章章八句

四月維夏六月往暑先祖匪人胡寧忍予

四月六月建己建未之月也徂從始也

寧從曾也四月立夏矣至六月乃始盛

暑矣以喻王初即位己為惡政而未甚

酷至今乃極酷也故仰而訴之曰我先

祖豈非人子而何曾忍使我遭此禍也

無所歸咎之辭也此亦大夫刺幽王也

秋日淒淒百卉具腓亂離瘼矣爰其適歸

淒七西反卉許貴反腓芳非反瘼音莫

○秋日秋時也。凄々涼風也。卉艸具皆  
腓。病離憂。瘼病爰於適之也。秋時凄々  
則百卉皆病矣。亂離瘼矣。則我於何處  
適歸乎哉。  
冬日烈々。飄飈發々。民莫不穀。我獨何害。  
烈々。狩栗烈也。發々。疾貌。穀善也。言夏  
則暑。秋則病。冬則烈。言禍亂日進。無時  
而息也。  
山有嘉卉。侯栗侯梅。廢勺殘賊。莫知其尤。  
嘉善卉草也。侯維也。廢謂無所用也。殘  
賊皆害也。尤過也。山有嘉卉。喻小人也。

亦有是栗。是梅。喻君子也。廢棄不用。徒  
戕害之而已。以喻國有君子。有野人。無  
所見用。徒被禍害。而莫知其所以得罪  
之由也。  
相彼泉水。載清載濁。我日構禍。曷云能穀。  
相息亮反。曷何曷反。相視載則也。我我  
幽王也。構集成也。相彼泉水。狩有時而  
清。有時而濁。不一於濁也。而我王常濁  
。無有清時。乃日々集成禍殃。謂釀成速  
致之也。則曷云能善乎。  
滔々江漢。南回之紀。盡瘁以仕。寧莫我有。

滄吐刀反瘁似醉反。滄，大水貌。江漢二水名。紀綱，紀也。謂經帶包絡之也。瘁，病也。有保有也。滄，江漢於南回之。紀，今王室紀綱。尾解我群臣盡瘁以仕。而王曾莫我有。江漢之不如也。蓋方此時荆吳最彊難制，故以江漢言之。

匪鷄匪鸞，翰飛戾天。匪鱣匪鼈，潛逃于淵。鷄徒凡反，鸞以專反。鱣，張連反。鼈，于軌反。鷄，鷄也。似鷹而大。鸞，鷓鴣也。皆鳥之鷄猛者。其飛上薄雲。漢翰，高戾至也。鱣，鮪魚之大者。言鷄鸞則能翰飛戾天，鱣鼈

敬

鮪則能潛逃于淵。今四人非此四者而亦皆逃敬矣。回，無綱紀可知已。

山有蕨薇，隄有杞桋。君子作歌，維以告哀。蕨，居月反。桋，音夷。杞，狗骨也。桋，亦棟也。樹葉細而岐銳，皮理錯戾，好叢生。山中可有車，為車輞。言艸木尚各得其所，人反不得其所，傷之也。故君子作此詩以告悲哀之情。亦詩人自稱君子，一則有冀其信從之意，一則有憤激抗言之意。蓋為君而不為身，忠厚之志存矣。

四月八章章四句



小旻之什十篇六十五章四百十四句

**九述**

*(Faint bleed-through text from the reverse side of the page, including characters like 詩, 雅, 頌, and various poetic lines.)*

